

p. 630 : -5 【故生他地】 《成唯識論疏義演》卷 3 : 「欲界但變他扶根塵。以死後見餘尸骸等故。問：從此死後生他時。容可見尸骸續。且如聖者化火燒身入涅槃。如何有餘尸骸等耶？答：雖火燒身。互有餘骸骨。如言火滅已後。收取舍利。豈非餘尸骸耶？故知變他依處。凡夫殘尸等。不說自成。若不變者。死後即應頓滅。」(X49, p. 562, a13-18) 《成唯識論演祕》卷 3 : 「問：此證何義？答：有二釋：一云證自變他扶塵。二云證自不變他根。扶塵共許，不待言故。而證意云。若自能變他依及根。彼往他等，根依合在。俱所變故。既唯依在而根滅無。返證餘時俱變依處。若爾，何唯舉生他地及涅槃耶？豈餘死等猶有根乎？答：理俱無根。且就顯說。若生自地，恐他救言以自識變。前釋為正。問：依處他變。自之引因。義應不立。亦能變者。迨劫末有所變之骸。應同能變？答：如言唯識許境親疎。遺骸待變。自他何失。有為勢分修短不同。不同能變。有謝無咎。」(T43, p. 868c2-13) 「引因」：此種勢力生近正果，名曰生因。引遠殘果令不頓絕，即名引因。(本書 p. 544) 「迨」=將近、等到。

p. 630 : -2 【如何會釋】 《解讀》：色界鼻舌二根無有實用，彼第八識仍能變之，欲界眾生，他身五根亦無實用，自第八識卻不變之，如此二者如何會釋？《成唯識論疏義演》卷 3 : 「意云：外難云。如論主云欲界變他根。以無發識用故即不變者。上界二根。既無發識用。如何乃變耶？以下論主答言。身為自情變。至何必須根有者。此會釋前難也。身為自情變者。身即二根。謂此根即是自情也。所以第八變根。此一義解。又云。若無根時。依處亦無。謂欲令有依處。所以須變。又云。根與依處。相扶便好。所以須變。即第二義解。他塵非己情。何必須根有者。意云。他塵既非自情。何必須變。他根有。方始變塵。」

縱然無根亦變塵故。如無目人。目雖枯陷。亦變他依處也。」(X49, p. 562, a19-b4)

《成唯識論疏抄》卷5：「自識雖變他身上扶塵。他身上扶塵不能扶自身五根故。是非情攝。故自第八識不能變他人五根也。若爾。何故煞(殺)生而得煞罪？雖煞前有情。還自損識所變根塵故。若自身煞他扶塵者。即是取心外法。然自第八識所變扶塵上損他扶塵。即令他命斷故得煞。若爾。如何前文言自心上所變色等。即通礙自心上所變色、他心上所變色？若自所變色不礙他所變色者。應煞果時。唯取自識所變扶塵。應不損他所變扶塵。其果還應得治。又如地及草木等。皆一切有情皆共變者。若掘時。應掘自識所變地令作坑。他識所變亦應不作坑。若煞樹時。應唯斫自識所變樹。應不損他識所變樹。由此義故。若斫樹損自識所變地。亦損他所變地。故知。自心上所變色。亦礙他所變色。」(X50, p. 235, a19-b8)

p. 631 : 3+7【他地亦得緣不】《述記》：根、處各變自他，然他地者，亦得緣不？上來所說界、地差別，唯緣自地，以隨識繫，能受用故。《解讀》：根身及所依處（器世界）都是各自第八識，或自或共變現自、他的所緣對境，然而對他界、他地的根身、器界者，亦得變緣之否？今應答言：上來所說自他根身、器界的不同界、地差別，是唯約自業所感所能變緣的自界、自地而言的，以彼等的根身、器界乃隨逐第八識之所受何界、何地煩惱所繫縛而能被受用故，不隨識縛則不能受用，亦不成為阿賴耶識之所緣境故。

p. 631 : -6【通諸識有五種力】《成唯識論掌中樞要》卷1：「一定力。二通力。三善法力。四借識力。五大願力。」(T43, p. 632, b9-10)《成唯識論疏抄》卷5：「或借識起者。若借識力。則身上三靜慮。借初禪眼耳身三識。

以見色、聞聲、觸境。不是此中正取。是疏定傍取成。若此中正意。若約第八識所變者。即唯取定、通力。若通前六識言之。自地兼取借識力。即不取法力他力所變。自地他身器等不定。由此定、通。能變身器等物也。」(X50, p. 235, b14-19)《成唯識論疏義演》卷3：「若第八變唯有定通者。意云：今依定通力中所變境者。即第八識變。由第六識入此定等。為增上緣力。所以引第八變。然此所變境色等。皆是實有本質境。令有情得受用。謂金銀等。言或總四力者。意說：但有四力而無五力。以大願力即法威力收也。」(X49, p. 562, b20-24)

《成唯識論演祕》卷3：「問：與定通力二有何別？答：身在於上。不起於下。定通等也。所以如疏。起下散識。故有別也 問：起下散識豈不依上定通引耶？若許爾者。即定通攝。何乃別開？答：不爾。所以別開。問：設上定通為緣引者。豈不得耶？答：縱定通引。然是他地。由此別開。更思。」(T43, p. 868, c14-20)

p. 631：-6【大願力】《成唯識論疏抄》卷5：「若地上菩薩欲化有情。隨願受生。若地上菩薩。由第六意識化無漏影像觀行。心中變化魚身等。則自第八識變化大魚身。令眾生用。眾生託此菩薩所變大魚身以為本質。眾生本識變化魚身而食煞之。今從本質說。名為定果。謂不變作魚身故。眾生取魚肉時。菩薩則無痛苦也。若地前菩薩。見諸有情飢饉劫中。心生悲愍。遂發大願。自身變作魚身。若被他取時。變有痛。若為諸眾生入於地獄。亦有痛苦。雖有痛苦。由心生厭離。痛苦即除。如從中說。佛過去世。作一大王。見天上有火星現。令十二年大旱。遂發大願。變化大赤魚身。長七百旬。濟諸飢乏。即是地前菩薩由大願力而轉現身變作魚等。取肉時。亦有痛苦也。」(X50, p. 235, b21-c12)

p. 631：-6【法威力】《成唯識論疏抄》卷5：「如法華云。由聞法華故。得

六根清淨者。即是地前菩薩四善根位。亦不由聞經。即得六根清淨。但由行六波羅蜜行故。得六根清淨。亦如色界諸天。由行五戒十善。天身上得明淨。何況此菩薩多時修造。而得身根淨也。此菩薩非是天眼耳見聞。即是肉眼耳。而能見三千世界也。法威力者。即是瑜伽論法威力。即是六波羅蜜法而能有力也。即由菩薩行施故。現在得除慳。未來得大財等。乃至餘者。」(X50, p. 235, c13-20)

p. 632 : 1【自通力緣異地身】《成唯識論疏義演》卷3：「除却如來。餘聖者修習上定得有漏通者。身在欲界地。起上天眼耳通。引得天眼耳在身中。即下界賴耶。緣上界根塵四大種等為境。此即緣異地身。如是皆由自得通力。第八緣異地身。非由他通力也。」(X49, p. 562, c1-5)

p. 632 : 3【或亦有聲】《成唯識論疏義演》卷3：「謂眼耳色觸等者。既有二根。合有色觸。初引其身而相觸故。有解云。有色觸者。由有身故。得有扶根觸塵等。詳曰：此亦不然。所引眼耳二根而起於通。何處有身根耶？設有身根。非上地法。是欲界身。今所論色觸有無。觸其上地。不據下地。下地自有。更何須說。由此非也。或眼耳二根是身之一分。而得身名。理無違也。或亦有聲者。汎爾四大不相離。相繫有聲。能所造相觸得有聲故。有云：彈扶根塵有音聲故。又有耳根。何得無聲？意云：定通二力。通即變意地之內身。定即不爾。一無文說。二乃義非。問：鼻舌二根。上界應亦有香味？答：不然。香味合中知。上地無識。無香味。眼耳二識離中知。有耳根故容有聲。【疏】無文別說至無用故者。意云：聖教中不見有文說有聲也。亦不許下地起上地身根。何以故？以無通故。又設若起。亦無用故。又無觸欲等事。所以不起。」(X49, p. 562, c6-20)

p. 632 : 8【無上地起下天眼耳】《成唯識論疏義演》卷3：「意說：二禪以上。不起初禪天眼耳通。何以故？以無用故。上勝下劣。所以不起。又無文說。故不可持下地根依二禪以上根。理必不然。若但借初禪識。緣上地境。而乃不障。言下欣上可起上等者。此釋外難。難曰：欲界起上通。上通依初禪眼耳二根起。上地借下識。亦應依初禪二根起(通)？答：以下欣於上。所以二通依初禪二根起。二禪上地。以厭下故。但借下識。不依下根起。難曰：下根以是劣。二禪上地即不起。初禪二識既是劣。上地不應借下起？答：不爾。二識當地無。上借下識。根等上地有。是故不起於下根。又難云：上地無眼耳。借下初禪識。初禪無鼻舌。亦應借於欲界鼻舌識？答：眼耳離中知。上地起下識。鼻舌合中知。初禪不起鼻舌識。難曰：鼻舌合中知。上地不起。下身識亦合中知。亦應二禪不起下？答：可爾。謂眼耳有通。所以得起。身識無通。是故不起。難曰：若爾。身識即應欲界繫。以上地不起。如鼻舌識？答：此亦不爾。是上地繫。雖然身識無。通有可起者。即得起故。有觸塵故。」(X49, p. 562, c21-p. 563, a14)

p. 632 : -6【馬勝比丘】《成唯識論疏義演》卷3：「意云：馬勝由通力故。現身往彼色界初禪梵宮。見梵王等等者。等取梵眾天等。故馬勝第八識緣彼身中扶根、大等。意說：馬勝由自通力。第八變異地身器。謂身是前門。所以不說。但言變器。問：此明異地器。何故說身？答：雖舉其身。意明器也。即彼所居。及衣服等。皆器收也。」(X49, p. 563, a15-20)

又作【阿說示】釋尊時佛教教團之五比丘之一，與阿若憍陳如等，同是佛最初的弟子，以威儀端正著稱。一日於王舍城街上乞食，舍利弗見其儀容端正，乃問其所從之師為誰、師所行法如何？阿說示答以師事釋尊，所行法為「諸法因

生者，彼法隨因滅，因緣滅即道，大師說如是。」舍利弗因之而心眼開發，遂歸依佛陀，證得法眼淨。據《大毗婆沙論》卷 129 所載，阿說示嘗在室羅筏城誓多林，不知四大種滅於何處，後入定至大梵天，問梵王，梵王亦不知，然矯亂作答云云。～《中華佛教百科全書》

《阿毘達磨大毘婆沙論》卷 129：「如佛昔在室羅筏城住誓多林。時有苾芻名曰馬勝。是阿羅漢。獨於靜室作是思惟。諸四大種何處永滅？為欲知故入勝等持。即以定心於誓多林沒。欬然出在四大王眾天。從定而起問彼天眾。諸四大種何處永滅。天眾答曰。我等不知是四大種何處永滅。然我所事四大天王。智慧威德並皆殊勝。彼或能了可往問之。尊者即時詣四王所。作如上問皆曰不知。復共仰推三十三天眾。三十三天眾復。推帝釋。帝釋仰推夜摩天眾。夜摩天眾推蘇夜摩天子。蘇夜摩天子推覩史多天眾。覩史多天眾推珊覩史多天子。珊覩史多天子。推樂變化天眾。樂變化天眾推妙變化天子。妙變化天子推他化自在天眾。他化自在天眾推妙自在天子。妙自在天子推梵天眾。如是尊者遍問欲天竟。不能知大種滅處。欲往梵世入勝等持。復以定心自在宮沒。梵眾天出。從定而起作如上問。梵眾咸曰。我等不知。有大梵王是梵大梵作者化者。為一切父自在生育。具大威德無與等者。無有不見不了不識。彼定能知仁應往問。尊者即問大梵所在？梵眾答曰。我亦不知大梵天王定所在處。仁欲見者隨處諦求。即有光明於中而現。尊者馬勝遂發誠心。願大梵王於此眾現。應時大梵即放光明。便自化身為童子像。首分五頂。形貌端嚴。在梵眾中隨光而現。尊者前進問曰。大仙。諸四大種何處永滅？梵王不達。作矯亂言。苾芻當知我是大梵。是自在者。作者。化者。生者。養者。為一切父。此是諂誑所發語業。尊者告曰。我不問仁梵非梵等。但問大種何處永滅？爾時大梵知此苾芻非矯亂言



卒能酬遣。便執兩手引出眾外。此是諂誑所發身業。出眾外已。謝尊者言。我實不知大種滅處。然諸梵眾咸謂我是自在作者。無不知見。若我眾中云不知者。是諸梵眾便見輕蔑。尊者自失。近捨如來。遠勞見問。致無所獲。今可速還詣佛請問。如佛所說。應正受持。馬勝既聞梵王推佛。歡喜辭退。復入等持。即以定心於梵世沒。」(T27, p. 670, b26-p. 671, a7)

p. 632 : -4【天通力】《成唯識論疏義演》卷3：「意云：此有二意：一者上界天等。由自通力至此間。來佛邊聽法。即上界變此異地器。二者此界眾生雖未得通。由他通力。見色界天等。即下地眾生變他異地器也。」(X49, p. 563, a21-24)

p. 632 : -1【佛通力】《成唯識論疏義演》卷3：「意云：即由他佛邊通力。梵王等見佛豪光。此上見下也。即此間眾生尋光見彼天。此是下見上也。若見下界。眾生不假佛通。梵王亦自能見。又若如此界眾生及梵王等。見東方萬八千世界等事。即梵王等亦由佛通力見。以自通力劣而不能見彼他方遠界之事故。如上故皆由自他通力。有情第八變異地器也。」(X49, p. 563, b1-7)

p. 633 : 3【大菩薩以神通力變為五境】《成唯識論義蘊》卷2：「如變魚米等。可得五塵。此既由通。即上界繫令下地(眾)生皆得見也。」(X49, p. 419, a17-18)

p. 633 : 5【不見第八能變異地之內身】《成唯識論疏義演》卷3：「意說：定力、通力皆第八變。由通力故。第八變異地內根身。由定力。但第八變異地五塵。而無文說定力能變異地內身也。【疏】又不由定力引他地身下界地起者。意明定力不如他通力變上界身等。若定力如通力。變天眼耳根異地身不？答：必不由定能作如是事。以定力但可變五塵。不能變根身。即重釋不變內身之所以也。」(X49, p. 563, b10-16)

p. 633 : 6【無色界】《成唯識論義蘊》卷 2：「謂於下界得無色定。不能起彼無色界根。彼無根故。非如通力起上眼耳。問：既云無色諸天。佛邊聽法。令他得見。如何第八不變彼身？答：但由定力。令他見身。即是器攝。非變身也。若據依止。以無根故非依止。故不可名身。若據積聚。亦可名身。以可見故。」(X49, p. 419, a19-24)

p. 633 : 9【八地以去】《成唯識論義蘊》卷 2：「八地已去至無差別者。此說所變二果無差別。不言能變無別。即是慧與定異故。」(X49, p. 419, b1-2)

《成唯識論疏義演》卷 3：「八地菩薩。以依生得天眼。不能發通。以生得天眼耳根力劣。若欲發通。可更須修起天眼耳根名『定通變身』等。佛身何有此事而亦言變耶？答：以佛第八。常具定通。故變無失。」(X49, p. 563, b23-c3)

《成唯識論演祕》卷 3：「八地已去通定無差者。通智、定定。體實有別。約性不殊。起無前後。所作相似。據一邊說。」(T43, p. 869, a12-14)

《摩訶止觀》卷 9「：天眼、他心、天耳、宿命、身通」「唯得因禪發通。不得因通發禪。所以者何。諸禪皆是定法。互得相發。諸禪是通體。通是諸禪用。從體有用。故通附體興。用不孤生。安能發體。經云。深修禪定得五神通。即此意也。若通論發者。一一禪中皆能發五通。若就便易別論者。根本，多不能發，設發亦不快利。(十六)特勝、通明(禪)。多發輕舉身通。(八)背捨、(八)勝處。多發如意轉變自在身通。若慈心定中緣人色貌。取得樂相。因色知心。識其苦樂。此多發知他心通。既藉色知心。亦知其言語音聲。亦發天耳通。因緣觀人三世。照過去事。多發宿命通。照未來事。多發天眼通。若念佛。定不隱沒者。多發天眼通。又諸通。若精細者。即是三明。但非無漏明耳。譬如盲聾。眼耳忽開。則大歡喜。況無量劫來。五根內盲。今破五翳。淨發五通。」



(T46, p. 130, a17-b3)

《諸法無諍三昧法門》卷 1：「定如淨油智如炷 禪慧如大放光明 照物無二是般若 鑿明本無差別照 觀者眼目明暗異 禪定道品及六度 般若一法無有二 覺道神通從禪發 隨機化俗差別異。問曰：佛何經中說般若諸慧皆從禪定生？答曰：如禪定論中說。三乘一切智慧皆從禪生。般若論中亦有此語。般若從禪生。汝無所知。不解佛語。而生疑惑。作是狂難。汝何不見。十方諸佛若欲說法度眾生時。先入禪定。以神通力。能令大地十方世界。六種震動。三變土田。轉穢為淨。或至七變。能令一切未曾有事。悉具出現。悅可眾心。放大光明。普照十方。他方菩薩悉來集會。復以五眼觀其性欲。然後說法。」(T46, p. 629, a9-23)